



ՀԱՆԳՈՒՅՑԱԼ, Տ. ԴԱՎԻԹ Ե ՊԱՏՐԻԱՐԺ-ԿԱԹՈՂԻԿՈՍ ՀԱՄԱՅՆ ՎՐԱՑ

ՎԵՆԱՐԱՆՈՒՄ



ՀԱՂՈՐԴԱԳՐՈՒԹՅՈՒՆ

Սույն թվականի նոյեմբերի 9-ին ի Տեր հանգչավ համայն Վրաստանի Պատրիարք-Կաթողիկոս Ս. Տ. Դավիթ Ե-ը:

Նոյեմբերի 14-ին, երկուշաբթի օրը, Հայոց Հայրապետը, ուղեկցությամբ Արարատյան թեմի առաջնորդական փոխանորդ տ. Կոմիտաս արքեպիսկոպոս Տեր-Ստեփանյանի, վրահայոց թեմի թեմակալ առաջնորդ տ. Գևորգ եպիսկոպոս Սերապյայանի և Մայր Աթոռի միաբան տ. Անանիա վարդապետ Արաքսյանի, մեկնեց Թբիլիսի՝ մասնակցելու թաղման արարողությանը:

Նոյեմբերի 15-ին, երեքշաբթի օրը, ա. Սիոն Մայր տաճարում կատարվեց նորոգ հանգուցյալ Ս. Դավիթ Ե կաթողիկոսի թաղման արարողությունը: Այս տխուր առիթով Հայոց Հայրապետը, խոսք առնելով, Հայաստանյայց եկեղեցու և Մայր Աթոռի ցավակցությունները հայտնեց վրաց օրթոդոքս եկեղեցուն և հոգևորականությանը՝ նրանց կրած ծանր կորուստի համար, և աղոթեց հանգուցյալի հոգու խաղաղության համար:

Նոյեմբերի 16-ին, չորեքշաբթի օրը, Վեհափառ Հայրապետը վերադարձավ Մայր Աթոռ:

Նոյեմբերի 20-ին, կիրակի օրը, ա. Էջմիածնի Մայր տաճարում, հավարտ պատարագի, Հայոց Հայրապետի նախագահությամբ և ի ներկայության հավատացյալների խոուն բազմության, կատարվեց հոգեհանգստյան հանդիսավոր արարողություն՝ նվիրված հանգուցյալ Դավիթ Ե կաթողիկոսի հիշատակին:

ԴԻՎԱՆ ՄԱՅՐ ԱԹՈՐԻ